

ხელშეკრულება 01/42
სახელმწიფო შესყიდვის შესახებ
გამარტივებული შესყიდვის საშუალებით

11 სექტემბერი

„—“ „—“ 2014 წ.

ქ. თბილისი

ერთის მხრივ, საქართველოს განათლებისა და მეცნიერების სამინისტროს სსიპ საგანმანათლებლო დაწესებულების მანდატურის სამსახური (შემდგომში – შემსყიდველი), წარმოდგენილი მისი უფროსი ვახტანგ მეიფარიანის სახით და მეორეს მხრივ, შპს „უჩა“ (შემდგომში „მიმწოდებელი“), წარმოდგენილი მისი დირექტორის გიორგი კვიციანიას სახით, „სახელმწიფო შესყიდვის შესახებ“ საქართველოს კანონის მე-3 მუხლის მე-1 პუნქტის ს¹ ქვეპუნქტის საფუძველზე, ვდებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებული ტერმინთა განმარტება

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველ ორგანიზაციასა და მოლაპარაკების შედეგად შერჩეულ პირს შორის დადებული ხელშეკრულება, რომელიც ხელმოწერილია მხარეთა მიერ, მასზე დართული ყველა დოკუმენტით და დამატებით, ასევე მთელი დოკუმენტაციით, რომლებზეც ხელშეკრულებაში არის მინიშნებული.

1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულებისათვის.

1.3 „შემსყიდველი ორგანიზაცია“ (შემდგომში – „შემსყიდველი“) – ორგანიზაცია (დაწესებულება), რომელიც ახორციელებს შესყიდვას.

1.4 „მიმწოდებელი“ ნიშნავს პირს, რომელიც შემსყიდველთან მოლაპარაკების საფუძველზე, უწევს მომსახურებას მოცემული ხელშეკრულების ფარგლებში.

1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

1.6 CPV 34351100 - მსუბუქი ავტომანქანების საბურავები.

მუხლი 2. ხელშეკრულების საგანი

2.1 ხელშეკრულების საგანს წარმოადგენს სახელმწიფო ბიუჯეტის სახსრებით საქართველოს განათლებისა და მეცნიერების სამინისტროს სსიპ- საგანმანათლებლო დაწესებულების მანდატურის სამსახურის ბალანსზე რიცხული ახალი ავტომანქანებისათვის (დანართი №1) „მსუბუქი ავტომანქანების საბურავები“ (შემდგომში-საქონელი) შესყიდვა წინამდებარე ხელშეკრულებით გათვალისწინებული პირობების შესაბამისად, გამარტივებული შესყიდვის საშუალებით.

მუხლი 3. ხელშეკრულების ღირებულება

3.1 ხელშეკრულების ღირებულება შეადგენს 4060.00 (ოთხიათას სამოცი ლარი და 00 თეთრი) ლარს.

3.2 ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი, რომლის გადახდა ეკისრება „მიმწოდებელს“.

მუხლი 4. შესყიდვის ობიექტის განხორციელების პირობები

4.1 მიმწოდებელი ვალდებულია ხელშეკრულების გაფორმებიდან 5 (სამუშაო) დღეში განახორციელოს შემსყიდველისათვის საბურავების მიწოდება და ეტაპობრივად მონტაჟი.

მუხლი 5. შესყიდვის ობიექტის მიღება-ჩაბარების წესი

- 5.1. შესყიდვის ობიექტის მიღება ფორმდება მიღება-ჩაბარების აქტით, რის საფუძველზეც „მიწოდებელი“ „შემსყიდველს“ წარუდგენს საგადასახადო ანგარიშ-ფაქტურას და/ან სასაქონლო ზედნადებს საქართველოს კანონმდებლობით დადგენილი წესითა და ვადებში.
- 5.2. მიღება-ჩაბარება ხორციელდება ფაქტიურად მიწოდებული საქონლის შესაბამისად, რომელსაც ადასტურებს „მიწოდებელი“ და „შემსყიდველი“.

მუხლი 6. ანგარიშსწორების ფორმა და ვადები

- 6.1. „მიწოდებელთან“ ანგარიშსწორება ხორციელდება უნაღდო ანგარიშსწორებით ეროვნულ ვალუტაში.
- 6.2. ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი, წარმოდგენილი საგადასახადო ანგარიშ-ფაქტურა და/ან სასაქონლო ზედნადები.
- 6.3. „მიწოდებელთან“ ანგარიშსწორება ხორციელდება ფაქტიურად გაწეული მომსახურების ღირებულების შესაბამისად ამ მუხლის მე-2 პუნქტში განსაზღვრული პროცედურების დასრულების შემდეგ 15 (თხუთმეტი) კალენდარული დღის ვადაში.
- 6.4. მიღება-ჩაბარების აქტის, საგადასახადო ანგარიშ-ფაქტურისა და/ან სასაქონლო ზედნადების გამოუწერლობის შემთხვევაში, არ მოხდება თანხის გადახდა.

მუხლი 7. მხარეთა უფლებები

- 7.1. „მიწოდებელს“ უფლება აქვს:
- 7.1.1. ხელშეკრულების ფარგლებში მოითხოვოს თანხის დროული გადახდა.
- 7.2. „შემსყიდველს“ უფლება აქვს:
- 7.2.1. მოითხოვოს ხარისხიანი მომსახურება ხელშეკრულებით გათვალისწინებულ ვადაში.
- 7.2.2. აწარმოოს ხელშეკრულების პირობების შესრულების მონიტორინგი.

მუხლი 8. მხარეთა ვალდებულებები

8.1. „მიწოდებელი“ ვალდებულია:

- 8.1.1. დადგენილ ვადაში „შემსყიდველს“ გაუწიოს ხარისხიანი მომსახურება.
- 8.1.2. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

8.2. „შემსყიდველი“ ვალდებულია:

- 8.2.1. უზრუნველყოს „მიწოდებლისათვის“ თანხის გადახდა მიღება-ჩაბარების აქტის გაფორმებიდან 15 (თხუთმეტი) კალენდარული დღის განმავლობაში.
- 8.2.2. დროულად განიხილოს „მიწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

მუხლი 9. ფორს-მაჟორი

- 9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან მიწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

მუხლი 10. ხელშეკრულების პირობების და ღირებულების გადასინჯვა

10.1. სახელმწიფო შესყიდვის შესახებ დადებული ხელშეკრულების პირობების შეცვლა არ დაიშვება, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.2. ხელშეკრულების პირობების ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

მუხლი 11. სადავო საკითხების გადაწყვეტა

11.1. „შემსყიდველმა“ და „მიმწოდებელმა“ ხელშეკრულების ან მასთან დაკავშირებული გარემოებების ირგვლივ წარმოშობილი ყველა უთანხმოება და დავა უნდა მოაგვარონ ურთიერთშეთანხმების გზით.

11.2. მხარეებმა, სადავო საკითხის შეთანხმების გზით მოგვარების შეუძლებლობის შემთხვევაში კანონმდებლობით დადგენილი წესით შეუძლია მიმართონ სასამართლოს.

მუხლი 12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმდებმა მხარემ 10 (ათი) დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.

12.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

მუხლი 13. მხარეთა მიერ ვალდებულებების შეუსრულებლობა

13.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მხარეებს ეკისრებათ პირგასამტეხლო ხელშეკრულების ღირებულების 0,1%-ის ოდენობით ყოველ ვადაგადაცილებულ დღეზე.

13.2. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

13.3. იმ შემთხვევაში, თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, „შემსყიდველს“ უფლება აქვს შეწყვიტოს ხელშეკრულება.

მუხლი 14. ხელშეკრულების მოქმედების ვადა

14.1. წინამდებარე ხელშეკრულების მოქმედების ვადა განისაზღვრება ხელშეკრულების ხელმოწერიდან 2014 წლის 31 დეკემბრამდე და/ან სახელშეკრულებო თანხის ამოწურვამდე.

მუხლი 15. ხელშეკრულების კონტროლი

15.1. ხელშეკრულების შესრულების კონტროლს განახორციელებს სსიპ საგანმანათლებლო დაწესებულების მანდატურის სამსახურის საფინანსო სამმართველოს კოორდინატორი ზურაბ მარკოზაშვილი.

15.2. შემსყიდველს ან მის წარმომადგენლებს უფლება აქვთ განახორციელონ მომსახურების ხარისხის კონტროლი.

15.3. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

15.4. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

15.5. ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულებით გათვალისწინებული ვალდებულებებისაგან.

მუხლი 16. ხელშეკრულების ენა

16.1 ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაცვლება მხარეთა შორის, ფორმდება ქართულ ენაზე.

მუხლი 17. ხელშეკრულების შეწყვეტა

17.1. ხელშეკრულება შეიძლება შეწყვეტილ იქნეს:

ა) მომსახურების გაწყვეტით.

ბ) მხარეთა შეთანხმებით.

გ) საქართველოს მოქმედი კანონმდებლობით და ამ ხელშეკრულებით გათვალისწინებულ სხვა შემთხვევებში.

მუხლი 18. განსაკუთრებული პირობები

18.1. ხელშეკრულება შედგენილია 5 გვერდზე, 3 ეგზემპლარად და თითოეულ მათგანს თანაბარი იურიდიული ძალა აქვს.

18.2. ხელშეკრულების ერთი ეგზემპლარი ინახება „მიმწოდებელთან“, ორი ეგზემპლარი – „შემსყიდველთან“.

მხარეთა რეკვიზიტები:


„შემსყიდველი“

საქართველოს განათლებისა და მეცნიერების სამინისტროს სსიპ საგანმანათლებლო დაწესებულების მანდატურის სამსახური
ქ. თბილისი, მ. ალექსიძის ქ. № 1
სახელმწიფო ხაზინა
კოდი 220101222
ხაზინის ერთიანი ანგარიში 200122900
საიდენტიფიკაციო № 205296650
ტელ 2200220

„მიმწოდებელი“

შპს „უჩა“
მისამართი ქ.თბილისი
დიდი დიგომი, იოანე პეტრიწის #1
ს/ს „თიბისი ბანკი“
ბანკის კოდი TBCBGE22
ანგარიშის №GE62TB7239536080100001
საიდენტიფიკაციო №404978431
ელ.მისამართი davitiasi@yahoo.com
ტელ : 597700750


/ვახტანგ მეიფარიანი/
სამსახურის უფროსი


/გიორგი კვირიკველია/
დირექტორი

ხელშეკრულების პროექტი მოამზადა:

საფინანსო სამმართველოს კოორდინატორი: /მ. მაისურაძე/ 

ვიზირებულია:

სამსახურის უფროსის I მოადგილე /გ. კილაძე/ 


ადმინისტრაციული სამმართველოს
კოორდინატორი /გ. გოცაძე/




დანართი 1

№	საბურავის ზომა	რაოდენობა	ერთეულის ფასი	სულ ღირებულება	მწარმოებელი ქვეყანა ტაილანდი
1	საბურავი 235/40 R 18 (ზამთრის)	4	175	700	ტაილანდი
2	საბურავი 205/65 R 15 (ზამთრის)	32	105	3360	

4060 ლარი


/ვახტანგ მეიფარიანი/
სამსახურის უდროსი





/გიორგი კვირიკველია/
დირექტორი



ინტერესთა კონფლიქტი

ვადასტურებ, რომ ჩემი მონაწილეობა სსიპ საგანმანათლებლო დაწესებულების მანდატურის სამსახურის მიერ 2014 წლის 11 სექტემბერს გაფორმებული N01/42 ხელშეკრულებაში, არ ეწინააღმდეგება „სახელმწიფო შესყიდვების შესახებ“ კანონის მე-8 მუხლით დადაგენილ ინტერესთა კონფლიქტის თავიდან აცილების პირობებსა და წესებს.


აღნიშნულს ვადასტურებ ხელისმოწერით:

სამსახურის უფროსი - ვახტანგ მეიფარიანი 

სამსახურის უფროსის პირველი მოადგილე - გიორგი კილაძე 

სამსახურის უფროსის მოადგილე - კონსტანტინე ანჯაფარიძე 

ადმინისტრაციული სამმართველოს უფროსი-ნატალია ჭრელაშვილი 

ადმინისტრაციული სამმართველოს კოორდინატორი - გიორგი გოცაძე 

საფინანსო სამმართველოს კოორდინატორი-მაია მაისურაძე 

საფინანსო სამმართველოს კოორდინატორი - ზურაბ მარკოზაშვილი 